



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-558-5/24**

Datum: **15.01.2025. godine**

«Agencija za vodno područje rijeke Save» rješavajući po zahtjevu JP "VILENICA-VODOVOD" d.o.o. Novi Travnik za izdavanje vodne dozvole za ispuštanje otpadnih voda u rijeku Jaglinac i Grlovcu iz urbanog područja grada Novog Travnika sa naseljima Meljići, Kasapovići, Pribilovci, Novo naselje i industrijski kompleks "Bratstvo" na osnovu člana 109. stav 1. tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola JP "VILENICA-VODOVOD" d.o.o. Novi Travnik za ispuštanje otpadnih voda u rijeku Jaglinac i Grlovcu iz urbanog područja grada Novog Travnika sa naseljima Meljići, Kasapovići, Pribilovci, Novo naselje i industrijski kompleks "Bratstvo". Ova dozvola se odnosi na:
 - Kolektor s mjestom ispusta u rijeku Jaglinac kod osnovne škole „Mak Dizdar“. Na kolektor su priključeni stanovnici naselja Meljići. Promjer kolektora je Φ 200 mm.
 - Kolektor s ispustom u rijeku Grlovcu. Na kolektor su priključeni stanovnici i privredni subjekti uže gradske zone, naselja Kasapovići i Pribilovci. Promjer kolektora je Φ 600 mm.
 - Kolektor s ispustom u rijeku Grlovcu kod benzinske crpke „EUROTANK“. Na kolektor su priključeni stanovnici Novog naselja. Promjer kolektora je Φ 300 mm.
 - Kolektor s ispustom u rijeku Jaglinac u industrijskom kompleksu Bratstvu. Na kolektor su priključeni privredni subjekti kompleksa „BRATSTVO“. Promjer kolektora je Φ 600 mm.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se objekti koji čine kanalizacioni sistem grada Novi Travnik a kojima upravlja JP "VILENICA-VODOVOD" d.o.o Novi Travnik koriste i održavaju u ispravnom i funkcionalnom stanju u skladu sa njihovom namjenom, ovim Rješenjem i prema Odluci o vodovodu i kanalizaciji («Službene novine općine Novi Travnik broj 2/10). od 23.04.2010.
 - 2.2. Da se permanentno radi na razdvajanju postojećeg mješovitog sistema odvodnje otpadnih voda u skladu sa urađenom projektnom dokumentacijom, te da se prilikom izgradnje nove kanalizacione mreže projektuje isključivo separatan sistem odvodnje.
 - 2.3. Da se redovno vrši snimanje i kontrola stanja postojeće kanalizacione mreže u cilju formiranja katastra kanalizacione mreže sa podacima o profilu, padovima, cijevnom materijalu, godini izgradnje i sl.
 - 2.4. Ukoliko postoje ili se snimanjem na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrirati i što hitnije poduzeti aktivnost da se isti priključe na postojeće glavne gradske kolektore.

- 2.5. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to moguće, vrši priključenje objekata kanalizacionu mrežu.
- 2.6. Da se redovno vrši održavanje korita rijeke Jaglinac na svim ispusnim mjestima iz glavnih gradskih kolektora.
- 2.7. Da se, prilikom izdavanja odobrenja za priključak na gradsku kanalizacionu mrežu od korisnika zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa Uredbom o uvjetima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20, 96/20 i 1/24). Odobrenje za priključak na kanalizacioni sistem treba da sadrži sve podatke i uvjete propisane članom 28. Pravilnika o sadržaju, obliku i uvjetima i načinu izdavanja i čuvanja vodnih akata («Sl. novine Federacije BiH», broj: 31/15, 55/19, 41/20 i 63/22) i odredbama Uredbe o uvjetima ispuštanja otpadnih voda u okoliš i sisteme javne kanalizacije.
- 2.8. Da se tokom važenja ovog Rješenja provodi minimalan broj uzorkovanja otpadnih voda na mjestima ispusta u rijeku Jaglinac i Grlovnica, shodno Uredbe o uvjetima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20, 96/20 i 1/24) te pojedinačne i zbirne godišnje izvještaje dostaviti Agenciji, u skladu sa članom 23. iste Uredbe. Izvještaje o ispitivanju i ocijeni kvaliteta otpadnih voda može raditi isključivo laboratorija ovlaštena od strane Federalnog Ministarstva poljoprivrede i šumarstva po čl. 64 stav 3 Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Sl. novine Federacije BiH» broj: 14/10, 14/13, 26/14, 15/17 i 41/20).
3. Vlasnik, odnosno korisnik objekata je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ispuštanje otpadnih voda u rijeku Jaglinac i Grlovnici ne smije ugrožavati postojeći kemijski i ekološki status recipijenta.
6. Prava stečena po ovoj dozvoli ne mogu se prenositi na treća lica.
7. Ova vodna dozvola, shodno članu 117. stav 1. Zakona o vodama («Službene novine Federacije BiH», broj 70/06) se daje sa rokom važenja od **pet godina** od dana pravosnažnosti ovog rješenja.
8. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.

10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

JP "VILENICA-VODOVOD" d.o.o. Novi Travnik, obratilo se ovoj Agenciji sa zahtjevom za izdavanje vodne dozvole za ispuštanje otpadnih voda u rijeku Jaglinac i Grlovcu iz urbanog područja grada Novog Travnika sa naseljima Meljići, Kasapovići, Pribilovci, Novo naselje i industrijski kompleks "Bratstvo". U provedenom postupku dostavljena je i pregledana sljedeća dokumentacija:

- Ovjerena kopija Rešenja o registraciji, broj: 051-0-Reg-08-000199 od 24.06.2008., izdano od Općinskog suda u Travniku-SBK.
- Ovjerena kopija Uvjerenje o poreznoj registraciji od 23.10.2013. izdano od Porezne uprave Novi Travnik-Kantonalni porezni ured Novi Travnik-Federalno ministarstvo finansija-financija.
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-17-54-518-2/08 od 22.12.2008. god. izdato od strane Uprave za indirektno-neizravno oborezivanje Banja Luka.
- Odluka o upravljanju otpadnim vodama donijeta od strane O. Vijeća Novi Travnik («Službene novine općine Novi Travnik broj 2/10) od 23.04.2010.
- Idejni projekt – Primarne kanalizacione mreže s postrojenjem za prečišćavanje otpadnih voda, izrađenog od Hidrotechnics d.o.o Sarajevo iz 07/07.
- Projekt „Kanalizacioni kolektor za naselja Margetići i Šenkovići" izrađen od HIGRACON d.o.o Sarajevo 07/12.
- Pravilnik o održavanju, korištenju i osmatranju vodoprivrednih objekta iz 08/12.
- Izvještaj o monitoringu kvaliteta i kvantiteta recepijenata komunalnih otpadnih voda za JP "Vilenica –Vodovod" Novi Travnik, broj izvještaja: 569/24, mart 2024. izrađen od strane „Inspekt-RGH" doo Sarajevo.
- Dokaz o uplati po Zaključku o posebnim troškovima.
- Dokaz o uplati administrativne takse.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH", broj 31/15), izvršen je uviđaj na terenu i tom prilikom sačinjen zapisnik o uviđaju broj: UP-1/21-3-40-558-4/24 od 09.01.2025. u kojem je konstatirano sljedeće:

Kanalizacioni sustav općine Novi Travnik sastoji se od 4 glavna kolektora s ispustom u rijeku Jaglinac i Grlovcu i na svim ispustima radi se monitoring otpadnih voda jednom na godinu. Sukladno finansijskim sredstvima vrši se zamjena dotrajalog sustava kanalizacionih cijevi i vrši se spajanje individualnih septičkih jama.

Svi kolektori rađeni su od betonskih cijevi.

Kanalizacioni sustav je većim dijelom izgrađen kao separatan a manji dio kao mješoviti tip. Poduzeće vodi evidenciju o individualnim septičkim jamama.

Na uviđaju Investitoru je vraćena sva projektna dokumentacija: Projekt „Kanalizacioni kolektor za naselja Margetići i Šenkovići" izrađen od HIGRACON d.o.o Sarajevo 07/12, Idejni projekt – Primarne kanalizacione mreže s postrojenjem za prečišćavanje otpadnih voda, izrađenog od Hidrotechnics d.o.o Sarajevo iz 07/07.

Izvještaj o monitoringu kvaliteta i kvantiteta recepijenata komunalnih otpadnih voda za JP "Vilenica–Vodovod" Novi Travnik u 2024. god., izrađen je od strane „Inspekt-RGH" doo Sarajevo.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcedenata na vodama i obalnom vodnom zemljištu („S. novine Federacije BiH"

broj: 71/09, 102/18, 70/24) korisniku predmetnog objekta utvrđene su obaveze u tački 4. i 5. ovog Riješenja.

Na osnovu dostavljene dokumentacije i uviđaja izvršenog na predmetnoj lokaciji a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda, te je riješeno kao u dispozitivu ovog rješenja.

Podnosioc zahtjeva je, na ime izdavanja ovog vodnog akta, izvršio uplatu pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98 i 8/00,45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi

Obradivač akta:

Marko Barić, dipl.ing.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- JP "Vilenica-Vodovod" d.o.o. Novi Travnik, Kalinska bb, Novi Travnik
- ⊕ AVP, ISV –Vodna knjiga
- Sektor 50
- Sektor 40, arhiva
- oglasna ploča AVP Sava